


*Zakonodavno-pravna komisija/
Zakonodavno-pravno povjerenstvo*

Законодавно-правна комисија

Broj: 0-1/2-02-2549/23-3
Sarajevo, 25.10.2023.godine



**PREDSTAVNIČKOM DOMU
PARLAMENTA FEDERACIJE BiH**

Zakonodavno-pravna komisija Predstavničkog doma Parlamenta Federacije Bosne i Hercegovine (u daljem tekstu: Komisija) održala je 8. sjednicu 25.10.2023. godine kojoj je prisustvovalo sedam članova Komisije. Prema jednoglasno utvrđenom dnevnom redu Komisija je razmatrala:

1. Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji Bosne i Hercegovine – skraćeni postupak,
2. Prijedlog Odluke o izmjenama i dopunama Budžeta Federacije Bosne i Hercegovine za 2023.godinu – hitni postupak,
3. Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2023.godinu – hitni postupak,
4. Inicijativa broj: 05/1-02-302/23 od 19.09.2023.godine koju je u parlamentarnu proceduru uputio zastupnik u Predstavničkom domu Parlamenta Federacije BiH Dragan Mioković,
5. Inicijativa Gradskog vijeća Grada Sarajeva broj: 01-GV-04-1081/23 od 13.07.2023.godine, zaprimljena pod brojem 01-02-1959/23,
6. Zaključci sa 7.sjednice Odbora za ekonomsku i finansijsku politiku Predstavničkog doma Parlamenta Federacije BiH broj: 01/14-02-2272/23-5 od 28.09.2023.godine.

Na osnovu člana 44. stav 1. Poslovnika Predstavničkog doma Parlamenta Federacije BiH, Komisija Predstavničkom domu podnosi sljedeći

IZVJEŠTAJ

Ad-1

Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji Bosne i Hercegovine

Nakon izlaganja predlagača Zakona Komisija je jednoglasno donijela sljedeći

ZAKLJUČAK

Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji Bosne i Hercegovine je dostavljen od ovlaštenog predlagača i ima ustavni i zakonski osnov i kao takav se upućuje u dalju parlamentarnu proceduru.

Ad-2

Prijedlog Odluke o izmjenama i dopunama Budžeta Federacije Bosne i Hercegovine za 2023.godinu

Komisija se upoznala i razmotrila Prijedlog Odluke o izmjenama i dopunama Budžeta Federacije Bosne i Hercegovine za 2023.godinu, te jednoglasno donijela sljedeći

ZAKLJUČAK

Prijedlog Odluke o izmjenama i dopunama Budžeta Federacije Bosne i Hercegovine za 2023.godinu je dostavljen od ovlaštenog predlagača i ima ustavni i zakonski osnov i kao takav se upućuje u dalju parlamentarnu proceduru.

Ad-3

Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2023.godinu

Komisija je razmotrila predmetni Zakon i jednoglasno donijela sljedeći

ZAKLJUČAK

Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2023.godinu je dostavljen od ovlaštenog predlagača i ima ustavni i zakonski osnov i kao takav se upućuje u dalju parlamentarnu proceduru.

Ad-4

Inicijativa broj: 05/1-02-302/23 od 19.09.2023.godine koju je u parlamentarnu proceduru uputio zastupnik u Predstavničkom domu Parlamenta Federacije BiH Dragan Mioković

Komisija se upoznala i razmotrila poslaničku inicijativu kojom se traži da Zakonodavno-pravna komisija razmotri postupak imenovanja radne grupe za provođenje postupka izbora sudije Ustavnog suda BiH. Budući da je radna grupa imenovana Odlukom o imenovanju članova Radne grupe za provođenje procedure izbora sudije ustavnog suda BiH kojeg bira Predstavnički dom Parlamenta FBiH koju je donio Predstavnički dom na 33.redovnoj sjednici održanoj 06.06.2022.godine i Odlukom o izmjenama Odluke o imenovanju članova

Radne grupe za provođenje procedure izbora sudije Ustavnog suda BiH kojeg bira Predstavnički dom Parlamenta FBiH, koju je donio Predstavnički dom na 1.redovnoj sjednici održanoj 26.01.2023.godine, Komisija je većinom glasova zaključila da nema Poslovnikom Predstavničkog doma Parlamenta Federacije BiH propisane nadležnosti da razmatra i preispituje akte koje je donio Predstavnički dom Parlamenta Federacije BiH i predlaže Predsjedavajućoj Predstavničkog doma Parlamenta Federacije BiH da dokumentaciju dostavi nadležnom radnom tijelu.

Ad-5

Inicijativa Gradskog vijeća Grada Sarajeva broj: 01-GV-04-1081/23 od 13.07.2023.godine, zaprimljena pod brojem 01-02-1959/23

Nakon upoznavanja sa cjelokupnom dokumentacijom i nakon sveobuhvatne rasprave Komisija je jednoglasno zaključila da prema odredbama Poslovnika Predstavničkog doma Parlamenta FBiH nema propisana ovlaštenja za razmatranje inicijative za izmjenu Ustava Federacije Bosne i Hercegovine u ovoj fazi.

Ad-6

Zaključci sa 7. sjednice Odbora za ekonomsku i finansijsku politiku Predstavničkog doma Parlamenta Federacije BiH broj: 01/14-02-2272/23-5 od 28.09.2023.godine

Komisija se upoznala sa zaključcima Odbora za ekonomsku i finansijsku politiku Predstavničkog doma Parlamenta Federacije BiH koji se odnose na Predstavku koju je dostavila gđa. Mirsada Softić, koje podržava, ali poštujući odredbe propisane Poslovnikom Predstavničkog doma Parlamenta FBiH koje se odnose na nadležnosti radnih tijela, predmetnu dokumentaciju vraća na dalje postupanje.

Za izvjestioca u Predstavničkom domu određen je gospodin Belmin Zukan, predsjednik Komisije.

PREDSJEDNIK KOMISIJE

Belmin Zukan

